

Landesbibliothek Oldenburg

Digitalisierung von Drucken

**Sebastiani Castellionis Sacrorvm Dialogorum Libri
Qvatvor, Qvos Postremo Ipse Recognovit: Argvmenta
Singvlis Dialogis Praeposvit, Et Sententias Svbiecit ...**

Châteillon, Sébastien

Francofurti, 1761

VD18 12886300

Gedeon Tritvrans.

urn:nbn:de:gbv:45:1-18303

gestit animus, jubetque audere ulcisci hostem Dei & bonorum. Periisti Sisara: fœminea vi fœminea manu interimeris. *B.* Quis mihi nunc, quis demonstret, quo fugerit hostis? Quem ego si assecutus fuero, dispeream nisi ei animam eripio malis modis. Sed quo se furripuit? quo fugit? *J.* O Deum immortalem, quantum ego facinus feci! quantam laudem inveniet Jael! Sed video ne Baracum? Ipse est: sectatur hostem jam jacentem. Barace, huc sis ad me, ut tibi commonstrem hominem quem quæris. *B.* Obsecro, estne is apud te? *J.* Videbis. *B.* Proh Superi, quid video? Sisaram jacentem humi exanimem? quis hoc fecit? *J.* Mulieris factum vides. *B.* At non muliebrem tamen. Sed quæso, tunc hoc fecisti? *J.* Ipsa res indicat. *B.* Video: sed narra, obsecro, quo pacto egeris. *J.* Vidi fugientem, jussi, ut ad me veniret, eumque operui centone. Deinde cum jam quiesceret, cepi clavum, quem malleo adegi in tempus ejus. Ille provolutus ad pedes meos, efflavit animam. *B.* Utinam sic pereant, quotquot adversantur Deo.

SENTENTIA.

Turpi morte digni sunt, qui Deo aut ejus populo adversantur. Debiliū manu vincit Deus fortes.

GEDEON TRITVRANS. Judic. 6.

ARGVMENTVM.

Genius Gedeonem mittit ad debellandos Madianitas.

Genius,

Genius, Gedeon.

Adfit tibi Jova, vir fortissime! *Ged.* Quæso te domine, si adest nobis Jova, cur tam dira patimur; Vbinam sunt tot ejus mira facinora, quæ nobis narravere majores nostri, nos ab eo esse eductos ex Ægypto: cum nos nunc deseruit, & addixit Madianitis? *G.* Vade cum tua ista virtute, & defende Israelitas a Madianitis. Ego sum tibi autor vadendi. *Ged.* Amabo te domine, qua tandem defendam Israelitas, qui sim tenuissimus omnium Manassensium, & minimus totius paternæ familiæ? *G.* a) Adjuvante me concides Madianitas ad unum. *Ged.* Quæso te, nisi molestum est, ut signo aliquo mihi confirmes, te eum esse, qui mecum loquare. Noli discedere hinc, donec redeam ad te, & expromam b) dapem, quam faciam apud te. *G.* Præstolabor tibi. *Ged.* Paravi omnia. *G.* Pone carnem & panes non fermentatos super hoc saxo, & effunde jus. *Ged.* Hei mihi! ignis c) consumpsit omnia. Jovæ Genius est: me miserum, qui viderim Genium Jovæ. *G.* Salvus es: pone metum, non ideo moriere.

SENTENTIA.

Dei ope quivis quidvis potest.

GEDEON.

- a) Adjuvante Deo vel infimi maxima præstant.
 b) Dapale munus, Deo libandum.
 c) Videlicet de cælo delapsus.

GEDEON. Judic. 7.

ARGUMENTVM.

Gedeon delectu habito, demissisque domum imbellibus, castra Madianitarum noctu explorat, deinde cum trecentis militibus aggreffus profligat.

Jova, Gedeon, Præco, Phara, Madianita, alter Madianita, Milites.

Gedeon, tu nimis multos habes milites. Quod si cum istis copiis vinceretis hostes, Israelitis jactarent se victoriam adeptos esse ^{a)} suo Marte: atque ita ego non laudarer, sed ipsi: id quod detraheret meæ gloriæ. Proinde cura, ut proclametur in exercitu, ut timidi repetant domum, & discedant ex monte Galaado. *G. Præco*, indica timidis & cæteris discessum, secundum legem, ut nosti. *Pr.* Audite, audite milites. Si quis ædificavit novam domum neque dedicavit, is domum repedato: ne si in prælio occubuerit, alius eam dedicet. Item si quis vineam conseruit, neque ^{b)} profanavit, domum repedato: ne si occubuerit in prælio, alius eam profanet. Item, si quis uxorem desponsavit, neque duxit, domum repedato: ne si in prælio occubuerit, alius eam ducat. Item si quis timidus est, & molli animo, domum repedato: ne animi sui mollitie effœminet animos aliorum. *G.* Recte est, restant decem milia:

a) Sua ope.

b) Ejus fructu usus est, id quod fiebat quinto post eam satam anno. Liv. 15.